

30

25

20

15

10

5

113
863
13

說約
合叢

四書正解

卷之十三
論語



卷之十三
863
13

四書大全說約合參正解卷之十三

殷基祥哲維

丹陽吳荃蓀右彙輯

受業門人陸觀成駿聲仝校

論語

衛靈公第十五

凡四十章

衛靈章至旨

此章見聖人雖窮，卒遇而道終不爲遇所窮也。暗

藏學守二字，作骨子，前一節見聖人去就之義，後

二節見聖處困之道，惟不難于决去，故亦不難于處困也。

衛靈公問陳於孔子，孔子對曰俎豆之事，則嘗聞之矣；軍旅之事，未之學也。明日遂行。

陳去聲

陳謂軍師行伍之列，俎豆禮器，尹氏曰：衛靈公無道之君也。復有志於戰伐之事，故答以未學而去之。

參序衛靈公問兵陳之事，于孔子。孔子對曰：吾自幼習禮，如六

宗廟中有俎豆其陳設進退之事則嘗聞其說矣至于軍旅行伍之事則未嘗學也豈敢以未學者妄對乎益靈公問非所問其不足有爲可知矣故孔子不

對而明白遂行所謂可以速則速也

析講蔡氏曰靈公大病全在禮節去處故嘗以俎豆分明救時致諷倘公能悟俎豆之語安有後來父子相爭之禍耶○俎豆之事事字包得廣指禮文舉祭祀之事以該禮樂之事非專爲祭祀言也○俎豆則嘗聞軍旅則未學者抑其不當問啓其所當問也○此是聖人以禮教杜兵戰之萌而復當時知有吾道○蒙引夫子却萊兵墮三都且嘗曰我戰則克夫子豈真未學特以拒靈公之間耳○按史記世家孔子適衛主蘧伯玉家他日靈公問兵陳于孔子明日與孔子語見蜚鴈仰視之色不在孔子遂行復如陳是歲魯哀公三年孔子年六十矣

在陳絕糧從者病莫能興聲

孔子去衛適陳興起也

叅序去衛適陳絕糧七日從者飢病莫能興起

子路愠見曰君子亦有窮乎子曰君子固窮小人

窮斯濫矣

見賢遍反

何氏曰濫溢也言君子固有窮時不若小人窮則放溢爲非程子曰固窮者固守其窮亦通○愚謂聖人當行而行無所顧慮處困而亨無所怨悔於此可見學者宜深味之參大全子路愠怒之意見乎顏色問曰君子抱道宏平粹天佑人助乃亦有窮乎子曰禍福得喪有不在我者君子固是有窮但能固守其窮不若小人窮則濫耳則亦相與安之可矣

析講以周字荅上文亦有字文勢乃相應○愠非爲絕糧爲道窮窮者厄而未通非貧窮也○此聖人以君子明處困之

道而使弟子亦自見有吾道。亦有窮平，未免有怨尤之意也。守其窮意補在固窮下，以起小人句，亦可。但不可作固字，正解耳。

賜也章全旨

此章正是示子貢以心學使之知所本也。重一貫說貫指理之會通說之一貫貫一个甚的正是多學，但須認取本原，則多學方爲有用耳。

子曰賜也女以予爲多學而識之者與

女音汝識音志與平

聲下同。○子貢之學多而能識矣夫子欲其知所本也故問以發之

參蒙引子貢從事于多識者也。夫子一日呼而問之曰：賜也女以予天下事物之理無所不知者爲多聞多見以學而將所聞所見又都記識于心而不忘者歟

析講玩女以予爲口吻明示予不出此

是夫子當下指醒

處○註所本指萬殊之一一本處也。卽下文「字此處且勿露」

對曰然非與

曰非也予一以貫之

說見第四篇。然彼以行言而此以知言也。○謝氏曰聖人之道大矣。人不能徧觀而盡識。爰其以爲多學而識之也。然聖人豈務博者哉。如天之於衆形匪物物刻而雕之也。故曰子之所傳九。故以爲然。旋疑夫子豈專用心乎外其得力不在此。故曰非也。能疑是他也。殆悟處

曾子之帷也。二字所學之淺深於此可見。愚按夫子之與子貢屢有以發之而他人不與焉。則顏曾以卜諸子所學之淺深又可見矣。

叅蒙引子曰。子非多學而識者也。天下萬理同出一原。我只是一個道理以該貫他。自然觸處皆通。而無一事一物之不知也。何至多學而識耶。今而後賜其所本矣。

析講大全朱子曰。聖人人生知不待多學。子貢以已觀夫子。故

以爲亦多學也。夫子以一貫告之。此雖聖人之事。然因以使子責知。夫學者雖不可不多學。亦有所謂一以貫之。然後爲

至耳。

鄱陽朱氏曰。

此章聖人自言聖人之學。又曰吾道一貫。是以一理而貫萬事。予一以貫之。是以一理而該萬理。

或問夫子告子貢以一貫與曾子同。

朱子謂告曾子以行言告子貢以知言。何也。

潛室陳氏曰。既是一貫本。不可分。知行

只緣子貢以知識入道。故聖人從他明處點化他。以忠恕而

明一貫。驗得是行由學識而明一貫。驗得是知。

一字對多字說。貫字對學字。識字說。多學而識是。由外益內工夫。一以

貫。則由內達外。是推本上工夫。不博識。則無物可實。孔子無

一事不理。會如。問禮。問官之類。可見只是于多學中有一以

貫。則有約以御博。要之能由格物而至于知。至則多學亦可

以造于一貫矣。

○集註彼以行言此以知言。行該得知。知該

不得行也。故曰。曾子蓋已隨事精察而力

行之。精察非知而何。單言行知在其中矣。

由知章全旨

知德者鮮。以其踐履之未至。故不能真知。

由呼子路之名而告之也。德謂義理之得於己者。非已有之。不能知其意味之實也。

○自第十一章至此。疑皆一時之言。此章蓋爲惄見發也。

叅大全夫子呼子路曰。由義理有得於己之。謂德。若能寔有此德。真知其則。中有定見。一切死生禍福得喪。自不可亂。其

所守然。求其人。蓋亦鮮矣。由其知勉。進于德哉。

子曰。由知德者鮮矣。

聲

鮮上

析講知，非聞見之知。蓋體系而見之，真也。知德，則足于中而無益于外。自無入不自得矣。夫子言此，所以釋子路，愠見之惑。○不日知道，而曰「知德何也？」知在行，先日知道，則道未爲我有。猶未親切知在行後，日知德，則此道寔爲我有，而知之也。深子之路，未能寔有。是德于已，所以纔絕糧便餽，見無爲章全旨。

舜之無爲全在盛德感通。工夫何爲哉？只就上句喚起下文，恭已句，惟敬德之容爲可見。益以見其無爲也。

子曰無爲而治者，其舜也與夫，何爲哉？恭已正南面而已矣。

與平聲

夫音扶

無爲而治者，聖人德盛，而民化不待其有所作爲也。獨稱舜者，紹堯之後，而又得入以任衆職，故尤不見其有爲之迹也。恭已者，聖人敬德之容，既無所爲，則人之所見，如斯而已。參存疑，予曰：自古帝王致治者多矣，然皆未免于有爲也。若夫德盛，遇隆無所作爲，而天下治者，其舜也。與益德盛，而民自化，既不待其有爲，又紹堯之後，得人任職，尤不見其有爲。

之迹，過想其時，夫果何作爲哉？但見其敬德之容形于外，恭敬而已。正南面之位而已矣。外此，舜亦何所爲？而人亦何所見哉？夫所見者，惟恭已之象，不益以見舜之無爲耶？

析講此章，贊美帝舜之治，註紹堯二意，嘗在其舜句內。夫何爲哉？句承上，起下，不必寔拈恭已，以敬之見于外者言，故曰：敬德之容，正南面者，猶云御君位也而已矣。者言惟恭已之容可仰，而觀外此，則無所爲也。不可以此句作無爲之寔。是卽此益以見其無爲意。蔡氏說甚妙。○大金饒氏曰：集註分兩節，一節說聖人德盛云云，此是衆聖人之所同。一節說舜紹堯云云，此是舜之所獨。稱舜與無憂者，其惟文王乎？相似。

○蔡氏曰：恭已，南面，乃不爲之爲也。而益以顯其無爲，與堯之德不可名。其可見者，功業文章而已，語氣相似，有不勝仰慕之意。○或問舜之爲治，朝覲巡狩，封山濬川，舉元凱，誅凶，非無事也。夫子以爲無爲而治，何耶？朱子曰：卽書考之，舜爲治之迹，皆在攝政二十八載之間，及踐天子之位，則書之所載，不過命九官，十一牧而已。其後無他事也。

子張章全旨
此章見利行之道，在誠忠信篤敬，皆誠也。參前倚衡，方是真能忠信篤敬，非別一層也。首節行不行

是論其理一次節夫然後行是指出
下工夫見必如此然後可行也

子張問行

猶問達之意也

蒙引子張問如何處處都行得

子曰言忠信行篤敬雖蠻貊之邦行矣言不忠信行不篤敬雖州里行乎哉

行篤行不之行去聲類亡百反

子張意在得行於外故夫子反於身而言之猶荅于祿問達之意也篤厚也蠻南蠻猶北狄二千五百家爲州衆序子曰言行爲身世之樞機誠言焉忠信而有寔行焉篤敬而有常斯則言行皆誠矣將見惟誠可以動物雖蠻貊之邦可以行而無碍矣况其近者乎若言不忠信而務爲虛誕行不篤敬而惟事炫飾斯則言行皆不誠矣將見動物尤悔雖州里之近不能行矣况其遠者哉則行之爲道惟求之忠信篤敬而已

立則見其參於前也在輿則見其倚於衡也夫

然後行

參七南反夫音扶

其者指忠信篤敬而言參讀如毋往參焉之參上言與我相參也衡輒也言其於忠信篤敬念念不忘隨其所在常若有見雖欲頃刻離之而不可得然後一言一行

自然不離於忠信篤敬而蠻貊可行也

參太全然忠信篤敬何如必也存誠之至時時檢束吾心覺寔是個道理鎮在眼前不相離去如一立也則見忠信篤敬之理參對于吾之前也一在輿也則見忠信篤敬之理同着于吾之衡也念茲在茲無少間斷如此夫然後言皆忠信

行皆篤敬吾心此理也人亦皆此心此理

也盡吾之心通乎人心毋論遠近而行矣

析講 王觀濤曰立與在與只是舉兩件做例見得無時無處無離這個誠敬○心常惺則不欺不欺便見此忠信心常惺則不肆不肆便見此篤敬見是心見非目見也○二則字有心卽在于是意非真有所見只是此理不忘于心到處相隨之意是未言未行之先如此也新安陳氏曰忠信篤敬乃言行當然之理工夫全在念念不忘四字上惟念念不忘于心而後常妃有見于月○夫然後行難詞也言必如此然後行不知此則不行二字俱是行得通達意不是行

事的行字此節正是教他用工夫無間斷也

子張書於紳

紳大帶之垂者書之欲其不忘也○程子曰學要鞭辟近裏著已而已博學而篤志切問而近思言忠信行篤敬立則見其參於前在與則見其倚於衡卽此是學質美者明得盡查津便渾化却與天地同體其次惟莊敬以持養之及其至則一也

合 子張述書上文夫子所言于紳益欲其觸目警心庶言行可識而行無不利也其識夫子之教如此非復務外之見已既析講書紳欲觸目微心常存不忘也雖未遽至參前倚衡地位亦是子張能留心于行上不可貶他

直哉章全旨

此夫子表二大夫之賢一是不徇時而易其節一是能相時而行其志都是著其美非品第其高下也

子曰直哉史魚邦有道如矢邦無道如矢

史官名魚衛大夫名鮒如矢言直也史魚自以不能進

賢退不肖既死猶以尸諫故夫子稱其直事見家語

參 漢說子曰直哉剛正不阿其史魚之爲人乎當夫邦有道之時盡言論諫無所隱諱其直固如矢不下以君無大過而容悅苟安也雖至邦無道之時亦盡言極諫不少屈抑其直亦如矢不下以禍患爲慮而遂變節徇人也無

論治亂必欲伸一已之志節直何如哉

析講 直專以諫言講有道無道切衛時事只作有事變無事變意○太全蔡氏曰夫子稱史魚難在邦無道如矢下節亦重在邦無道則可卷而懷之○沽名者或伸節于治朝而未

必無懼禍之念。惟無道之直亦如有道所以爲難。好進者願托于明時而未必有恬退之念。惟無道則藏而不干仕進所以爲難。蔡說極有見。○按靈公時伯玉賢而不用。彌子瑕不肖而任事。魚病且死。命其子曰吾在朝不能進伯玉退補子死不當成禮。置尸北堂足矣。公往弔怪而問焉。子以告公失容。曰寡人之過也。乃進伯玉而退彌子。

君子哉蘧伯玉邦有道則仕邦無道則可卷而懷之

伯玉出處合於聖人之道。故曰君子卷收也。懷藏也。如於林父甯殖放弑之謀。不對而出。亦其事也。○楊氏曰史魚之直未盡君子之道。若蘧伯玉然後可免於亂世。若史魚之如矢。則雖欲卷而懷之。有不可得也。
參淺說。若乃制行合。空有君子之德哉。其蘧伯玉乎。當夫邦有道也。則居位行志。而見用于世焉。及乎邦無道也。則從竊引去。可以卷而懷藏之。隨治亂爲出處合乎行藏之宜。非成德其孰能之。

析講卷而懷之之字不作道德說只作斂身而退。一可字見當隱卽隱無所係吝意蒙引
戒孫文子林父甯惠子殖食皆服而朝日旰不召而射鴻于圃二字從之不釋。皮冠而與之言二字怒。孫文子如戚。孫蒯文子入使公飲之酒。使太師歌巧言之卒章。蒯懼告文子。文子曰君忌我矣。弗先必死。并孥于戚而入見伯玉。曰君之暴虐。子所知也。大懼。社稷之傾覆。將若之何。對曰君制其國。誰敢好之。雖好之庸知愈乎。遂行。從近關出。公使子喬子。伯子孫剽。孫林父甯殖相之二十年。甯惠卒。二十六年衛獻公求復。謂甯喜曰苟反政由甯氏祭。則寡人甯喜告伯玉。伯玉曰瑗不得聞君之出。敢聞其入。遂行。五月甯喜攻孫氏。克之。殺子叔。衛侯衎復于衛。如晉甲午衛侯衎復于衛。

可與章全旨

此夫子示人以語默之宜。歸重知人之智。上四句見不智之失。下一句見智之不失主。施教說亦可。○劉上玉云。與言當指爲學。今人每講作言事。猶未是學。可包事。事不可包學也。

子曰可與言而不與之言失人不可與言而與之言失言知者不失人亦不失言

毫知去

朱邢疏子曰言貴因人而施如人或虛已而能受或聞言而能悟是可與言者也而不與之言是以可言之人而忽之以不足言之列非失人乎如人或拒諫而不納或語之而不達是不可與言者也而乃與之言是以有用之言而施之無用之地非失言乎夫不與之言不知其可與言也與之言不知其不可以言也是不智也惟智者識見精明權度素定知其可與言則與之言而不至失人知其不可與言則不與之言而不至失言語默各中其節此其所以可法也以言教人先求爲知者可耳

析講知不在語默上在知人上知人之可與言而言不可與言而不言總知人之明不必定分兩等人只在一言之間語默自有妙用○不失人亦不失言不必分開須看亦字志士章全旨此夫子示人當全其心德意志士有志于仁仁人與仁爲一其存心總是以仁爲主豈以生死動心

而廣此仁自然無求生以害身以成仁而求生則於其以決其必然意非限定不生而死也與生死善道等須看詳中理當死三字若理不當死不貴徒死

子曰志士仁人無求生以害仁有殺身以成仁

志士有志之士仁人則成德之人也理當死而求生則於其心有不安矣是害其心之德也當死而死則心安而德全矣○程子曰實理得之於心自別實理者實見得是實見得非也古人有捐軀隕命者皆不實見得惡能如此須是實見得生不重於義生不安於死也故有殺身以成仁者只是成就一箇是而已

合參子曰人所欲者生也而所欲有甚于生者仁也人賞生死之際甘喪其仁而不顧者則以志不立而仁昧全也惟志士仁人其心存于仁而利害不能奪見得當死而死于理爲是于心始安決無苟且求生以害吾仁但有寧就其身以成吾仁而已彼偷生害仁者視志士仁人亦可知所愧矣析講必曰志士仁人者有志之士慷慨就死如豫讓張巡一流人是也成德之人從容就死如文天祥一流人是也○仁

朱子曰

志士仁

者人心之天理心安處便是仁註意極分明人所以不求生以害仁乃其心中自有打不過處不忍就彼以害此所以成仁者但以遂其良心之所安而已○問殺身成仁與舍生取義何別曰仁義一理耳仁以人之本心言之以身之太節言成仁包得取義卽所以成仁孟子就切身斷制處言故曰取義其爲成就是則一而已

子貢章全旨

此章見爲仁必貴有所資賜問爲仁是求之所以資不是教他專去賚入只是要他取人求到純粹田地不重大夫士上重在事友真心上子貢悅不若已則所事者未必皆賢所友者未必皆仁故告以事

賢友仁註中嚴憚切磋意極重

子貢問爲仁子曰工欲善其事必先利其器居是邦也事其大夫之賢者友其士之仁者

賢以事言仁以德言夫子嘗謂子貢悅不若已者故以是告

之欲其有所嚴憚切磋以成其德也○程子曰子貢問爲仁非問仁也故孔子告之以爲仁之資而已

衆大全子貢問爲仁之方子曰子見百工乎若欲善其所爲之事必先利其所用之器蓋資其利也况爲仁可無先資乎君子居是邦也上有大夫必要師事其賢者下有士必要交友其仁者事其大夫之賢者則有所觀法而起嚴憚之心友其事之仁者則有所切磋而生勉勵之意而

其所以求仁者力矣爲仁之方莫要于此

析講工欲二句引起下文欲字必先字相應○

汪氏曰工

欲二句亦不虛必先辦了爲仁的真心然後仁賢爲我益朱子曰欲爲仁而先親賢仁猶工欲善其事而先利其器欲其取諸仁賢以成其德也○大夫曰賢仁已見于行事者也士者欽其德望切磋者驗其良規也欽其望則逆志潛消驗其規則非心頗格皆所以夫物欲而還天理故有資于仁

爲害也○此是示顏子以王道之大特舉其所當治當戒者

顏淵章全旨

以例其餘耳非謂四代之可遵者僅此四事而言治者僅此兩端也行夏時王道以正朔爲先務也釐十二星載統之乎時矣乘殷輶器尚其質也推之而服食器用可以知矣服周冕祭尚其文也推之而文章物來可知矣樂則韶舞移風易俗莫大於樂也法韶之樂則必法韶之治可知矣故鄭聲遠俗人推之而凡聲色貨利可知矣治天下之道不已備于此乎太

全程氏曰

一代之法各是二王之法故三代損益文質隨時

之宜若孔子于四代中舉這一代法式以通萬世不易之法

顏淵問爲邦

顏子王佐之才故問治天下之道曰爲邦者謙辭

序顏淵志在用世因問爲邦之道

析講爲邦治天下也顏子之學博文約禮以至所立卓爾三月不違是王道本領都有了有天德方可語王道故夫子以

四代禮樂告之

子曰行夏之時

夏時謂以斗柄初昏建寅之月爲歲首也天開於子地闢於

丑人生於寅故斗柄建此二辰之月皆可以爲歲首而三代迭用之夏以寅爲人正商以丑爲地正周以子爲天正也然時以作事則歲首自當以人爲紀故孔子嘗曰吾得夏時焉而說者以爲謂夏小正之屬蓋取其時之

正與其令之善而於此又以告顏子也

參大全子曰爲治不外法古以酌其中而已治天上莫大于正時三代正朔不同而求其時正令善者則惟夏之建寅爲最蓋陽氣雖始于黃鐘而其月爲建子陽氣猶潛于地中而未有以見其生物之功也歷丑轉寅而三陽始備于是協風乃至盛德在木而春氣應焉以是爲生物之始改歲之端則四時五行之序皆得其中止故

治曆明時者其必行夏之時焉

析講夏時兼時正令善四時以春爲首是謂正春陽司令氣始和物始生是令善令節令之令俱以時言非以政事言也○敬授人時帝主敬天勤民之首務○饒氏曰行夏時不特改正朔乃是兼每月政令行了所以集註兼時與令言之以堯日中星鳥以殷仲春推之亦是夏時想夏之前皆用建寅之月至湯始改以新天下之觀聽紹聞編云古人每月省

政令如夏令曰九月除道十月成梁可見二十一說與前稍異然亦可從○蒙引斗柄于夜初昏墮十二月分各指十二月辰位一日一夜斗柄一周十二辰位但以初昏所指爲的

乘殷之輶

輶音路

商輶木輶也輶者太車之名古者以木爲車而已至商而有輶之名蓋始異其制也周人飾以金玉則過侈而易敗不若商輶之樸素渾厚而等威已辨爲質而得其中也

參序治天下莫大于制度大車之制其來久矣其略者或等威不辨其詳者又過侈而易改惟殷輶以木爲之不飾金玉朴素渾厚而其制與臣庶之車異則等威已辨殷尚質輶尤其質而得中者故所乘之輶必取乎殷焉

析講大全熊氏曰按記明堂位鸞車有虞氏之輶也鉤車夏

后氏之輶也大輶股輶也乘輶周輶也周禮春官巾車掌王之五輶曰玉輶金輶象輶革輶木輶朱子曰輶者身之所乘足之所履其爲用也賤矣貴飾之則不稱運用震動任重致遠其爲物也勞矣華飾之則易壞且十器而上聚焉其爲費也廣矣又增費之則傷財雲峰胡氏曰商尚質亦有過十質

祭天故曰太路五采一成曰執天質穀故止一哉

服周之冕

周冕有五祭服之冠也冠上有覆前後有旒黃帝以來蓋已有之而制度儀等至周始備然其爲物小而加於衆體之上故雖華而不爲靡雖費而不及奢夫

子取之蓋亦以爲文而得其中也

合參至于君有冕以承祭制雖始于黃帝其時文采未著也惟周之冕其制謹其儀備華不爲靡費不及奢周尚文此尤其文而得中者故所服之冕必取乎周焉

析講鄭玄註云天子袞冕以五采繅前後十一旒鸞冕九旒毳冕七旒緋冕五旒玄冕三旒皆五采五十有一上公袞冕九旒三采旒玉九旒伯鸞冕旒主七子男毳冕旒主五采旒旒三采孤卿以下縗旒二采旒玉二十玉各依命數士以弁庶人以冠謂之冕者冕俛也以其後高前低有俛仰之形故

因名焉。蓋以在上位者失于驕矜，欲令位彌高而志彌下，故制此服令貴者下賤也。○周禮春官司服王之吉服祀昊天上帝則服大裘而冕祀五帝亦如之。先主則袞冕享太公饗射則鷩冕祀四望山川則毳冕祭社稷五祀則絳冕祭群小祀則玄冕大服同冕者首飾尊也。○陳潛室云禮有以文爲貴者冕也有以質爲貴者車也。雲林胡氏曰周尚文亦有過于文者周之冕則得乎文之中者也。

樂則韶舞

取其盡善盡美

樂序帝王之興必有樂以象功德而盡美盡善莫過于韶故于樂則必用韶不但取其音兼取其舞焉。

析講大全陳氏曰韶舞以樂聲兼樂容而言也。○問辨錄云韶所以象舜之成功也而音不用于之則何象焉今必忍夫致治何以如舜而後思夫作樂何以如韶乃爲得耳。

若徒用韶樂是亦在齊聞韶而已何有于我也

放鄭聲遠佞人鄭聲淫佞人殆

遠去

放謂禁絕之鄭聲鄭國之音佞人卑謗譖給之人殆危也。○程子曰問政多矣惟顏子告之以此益三代之制皆因時損益及其久也不能無弊周衰聖人不作故孔子斟酌先王之禮立萬世常傳之道發此以爲之兆爾由是求之則餘皆可考也張子曰禮樂治之法也放鄭聲遠佞人法外意也一日不謹則法壞矣虞夏君臣更相戒飭意益如之又曰法立而能守則德可久業可大鄭聲佞人能使人喪其所守故放遠之尹氏曰此所謂百主不易之大法孔子之作春秋蓋此意也孔顏雖不得行之於時然其爲治之法可得而具矣。

參序然有百主之大法又有萬世之大戒必也于鄭聲則放而絕之弗使接乎其于佞人則遠而去之勿使近于前是何也鄭聲能亂雅樂而淫蕩人之心志佞人能變亂是非而危殆人之邦家也有所戒以保其法而爲邦之道盡矣。

析講大全或問鄭衛之音皆爲淫奔夫子獨欲放鄭聲何也朱子曰鄭聲之淫甚于衛夫子蓋舉重而言也。○張氏奸古曰小人之禍國家不幸尤可畏于剛惡桀黠強暴中材之生猶知畏而遠之惟柔佞者誑諛側媚使人愛憇顛軋聰明之若猶爲所惑有覆亡而終不悟者夫子舉佞人亦以下小

卷之十三

子曰人無遠慮必有近憂

人無章全盲 此夫子示人以弭憂之道，遠慮非取遠者而慮之，也以其經畫可使萬世之外百年之後，保安無事。故謂之曰遠慮，慮不在事勢上，慮在理上，慮在心上。

蘇氏曰人之所履者容足之外皆爲無用之地而不
可廢也故慮不在千車之外則患在几席之下矣
叅存疑子曰凡人作一事必再三思慮籌度此事做去如何
有患害如何方無患害有患害則不爲之無患害則爲之如
此則思慮詳審事皆停當可無後患若只顧目前之安不思
後患如何而苟且爲之則計事必不審防患必不密患害之
至只旦夕間耳又豈待之遲久哉此慮事之所以貴遠也

已矣章全旨

七論吾未見猶異見乏也此加已矣平
三字嘆其絕望之詞微人之意愈切矣

子曰已矣乎吾未見好德如好色者也

已矣乎，嘆其終不得而見之也。子曰：誠于好德者之難也。吾向猶冀見其人今已矣。其絕望已乎？吾未見人好德之誠有如好色者也。世道之衰，而人心之偷，也不亦深可慨哉。

臧文全旨

此夫子以竊位二字，
不正，見其竊立，竊去也。

其竊人之位者惟恐人見而奪之
人之位者惟恐人見而奪之

子曰臧文仲其竊位者與知柳下惠之賢而不
與立也

者與之
與平聲

竊位，言不稱其位，而有愧於心。如益得而陰據之也。柳下惠魯大夫展獲字，愈食邑，柳下子謚曰惠與，宜謂與之並立於朝。范氏曰：臧文仲爲政於魯，若不知賢，是不明也；知而不舉，是

藏賢也不明之罪小蔽賢之罪大

故孔子以爲不仁又以爲竊位

參大全子曰臧文仲人皆稱之爲賢大夫也自_我觀之其偷竊耽位而居之者與蓋君子居位不徂自己未稱其職又當君與已並立公朝使之屈抑于下位夫不知其賢猶可諉也知其賢而故蔽之是其心益欲陰據職位以爲己之私直而不復以我位爲國家待賢之公事非竊位而何

析講大全蔡氏曰凡不當得而有之者日竊文仲位爲大夫薦賢乃其本分今知賢而不與立連他的位也是不當居的此深譏其蔽賢非力証其竊位也此解昭註中不稱其位意前說焰下註中如盜得而陰據意俱可從○又按柳下惠魯不夫既爲大夫何爲不與並立耶蓋必先爲文仲所抑想是三黜時也然以下惠之賢終是抑他不得爲大夫是後來也夫既爲大夫何爲不與並立耶蓋必先爲文仲所抑想是三黜時也然以下惠之賢終是抑他不得爲大夫是後來也

躬自章全旨

此章見持身善世之學持身卽以善世故以遠怨

厚內則字槩預上說不重人不怨上

子曰躬自厚而薄責於人則遠怨矣

遠去聲

責已厚故身益脩責人薄故人易從所以人不得而怨之也合參子曰人情處人已之間責已常輕而責人常重此怨所由生也誠子躬之所當自盡者責了又責不敢自怨以極其厚而其責于人槩從薄焉不敢過于求備則

已益修而人易從人之怨之者自此遠矣

析講自厚薄責須于人已之交處說言凡已之待人者要做得到盡處如謀欲其忠交欲其信無毫忽之心而于人之應我者全不責備如愛人不親則反其上而不責人之不親禮人不荅則反其敬而不責人之不敬是也自厚則無可怨薄責則不致遠○陳氏曰此卽成湯簡身若不及與人不以求備之意脩己待人當然之理也非爲求遠怨而爲之遠怨乃自然之效耳

不白章全旨

此示人端詳于處事也如之何如之何遠看勿分方見熟思審處意曰字是心占商量語此就處事說未如之何與上不同作奈之何看言不能爲之計也

子曰不曰如之何如之何者吾未如之何也已矣

如之何如之何者熟思而審處之辭也

不如是而妄行雖聖人亦無如之何矣
參有疑子曰天下之事皆成于慎而敗于急故人凡做一事初間思量日這事當如何做又思量日當如何做則人言可入爲謀必臧矣故臨事率意妄行不曰如之何如之何者其事必敗雖吾不能教之亦未如之何也已矣

折謫饒氏

日上

言如之何是思而處之下言如之何是思而熟而處之審也

未如何猶云雖有智者不能善其後太學

傳曰雖有善者亦無如之何矣是此意

羣居章全旨

此夫子言燕朋之害羣居而且終日二項並重正奸相與講學爲仁乃言行都不在天理上則無益

有損將不知其所終矣難矣哉者言其無以入德而將有患者也

子曰羣居終日言不及義好行小慧難矣哉

去聲

○小慧私智也言不及義則放辟邪侈之心滋好行小慧則行臉撓之機熟難矣哉者言其無以入德而將有患者也

又同邪相濟只好行小小慧智如此則放辟之心滋而傾險之機熟難乎其爲人矣哉

析講羣居非一人終日非一時不及義是不說到道理上去小慧凡一切挾數任術機械變詐皆是難矣哉兼入德免害言○註入德就好路說患害就不好路說好處便無不好事便有是此意思

君子章全旨

此夫子美君子以立處事之準也君子以養成養也行之出之成之三之字皆指其事也若將三之字作義言則是用圈外註矣一事間先有个義而禮孫仲三者隨之總是一時俱有的非禮行了方孫出禮行孫出

子曰君子義以爲質禮以行之孫以出之信以成之君子哉

孫去

義者制事之本故以爲質而行之必有節文出之必以退遜成之必在誠實乃君子之道也○程子曰義以爲質如質
榦然禮行此係出此信成此四句只是一事以義爲本又

曰敬以直內則義以方外義以爲質則禮以行之孫以出之信以成之

參存疑子曰人之處事難于盡善君子把義來稱度事物如見得此事合義當做則事由此立如牆屋之有基址繪畫之有粉墨而以爲質焉事雖當行又不可直遂必有禮以節其太過文其不久而行之然禮行而無謙卑遜順的意忠則雖致飾于節文度數之間未免有勉強之勞而無從容適中之妙矣所以又貴孫以出之凡此者又非有一毫之僞也自始至終一寔心寔理之貫徹而信以成之焉得制事之原而又兼衆善之美以此處天下之事真無往不_宜矣此非成德者不能也君子哉

析講朱子曰義以爲質是應事接物之際先決其當否耳其間節文次第須要皆具此是禮以行之然徒知盡其節文而不能信以出之則亦不可目如人知尊卑之分須當讓他然讓之之時詞氣或不能婉順便是不能孙以出之信以成者

是始終誠是以成此一事却非是孫以出之之後方信以成之也○語類義爲本下二者爲用○朱子以剛健言義絕妙不然如世圓融之解禮行孫出便不必說○翼註孫字不徒是容貌詞氣讓入要在任事上說任而能讓方是孫但這一事稍擔當得起便率爾直任無從容氣象便不是孫如予路言志未免不孫但彼在言語上此在事上稍不同行是練體說自始至終皆行也由是逐節發出○不以義以禮以孫以信而曰義以禮以孫以信以者蓋義禮孫信裕于平日而事到面前便能兼衆美以應之不待安排勉強也○義卽心之裁制禮卽中孫節和信卽寔俱從心中來一事而衆善咸集是其德性純粹涵養精密乃到此非君子而何

病無章全旨

此章明君子爲己之學

子曰君子病無能焉不病人之不巳知也

合參子曰君子學以爲己故道不明德不立是已之無能也君子深以爲病焉若已有能而人不已知初無損于我君子不以爲病也其爲己之心如此

析講問既謂之君子又緣何病其無能陳氏曰昔自以爲有能則不足以爲君子如夫子云我無能焉不能也焉夫子豈是無能者此與不患人之不己知患其不能也只倒得戒之詞者有別○病猶患也下章疾字亦然

疾沒章全旨

此聖人勉人及時進修之意當與後生可畏章參看疾是預疾重在無寔上

子曰君子疾沒世而名不稱焉

范氏曰君子學以爲已不求人知然沒于世而名不稱焉則無爲善之寔可知矣

參太子曰君子不求名于人然名者所以命其實也若至于沒世而名不見稱于人則無爲善之寔可知故君子亦預深以爲疾而及時進德焉修己者當知所勉矣

荀子論君子疾之非疾其無名正疾其無寔○沒世猶云至死耳人至沒世而論始定此而不稱寧不可疾思及于沒世無稱那得不預爲策勵此正君子所以疾之之心鮑氏曰言沒世者生前或可于名沒後公論方定非有可稱之寔者必不

子曰君子求諸已小人求諸人

見稱于人大學沒世不忘亦此意

求諸章全旨

此辨君子小人用心之不同所以覺人之反求而徹人之馳騁也

子曰君子求諸已小人求諸人

謝氏曰君子無不反求諸已小人反是此君子小人所以分也○楊氏曰君子雖不病人之不已知然亦疾沒世而名不稱也雖疾沒世而名不稱然所以求者亦反諸而已小人求諸人故違道于譽無所不至三者文不相蒙而義寔相足亦記言者之意

合參子曰君子小人品不同用心亦異君子心乎爲已無適而非求諸已道有未能以之自責行有不得以之自文何嘗有尤人之念乎小人心乎爲人無適而非求諸人名之不成歸咎于人行之不達責望于人何嘗有反已之心乎求諸已則德日進求諸人則欲日肆君子小人之分益如此

析講存疑不專指爲學接人持已皆然○蔡氏曰求字甚有力與爲字不同如所求乎子所求乎臣卽是此求字孟子反求之說指求已中一節耳○觀註中無不二字可見求已求

入一切事皆然也

矜而章全旨

此言君子持己處衆之道，上句持己而不失人也，而非以氣凌人，故不失于爭其羣也。直解云：其矜也以理自串，相與而非以情，相徇故不失于黨最明切。

子曰君子矜而不爭羣而不黨

莊以持己，曰矜然無乖戾之心，故不爭。

和以處衆，曰羣然無阿比之意，故不黨。參太全子曰：矜莊，自持易至絕物，而失于爭羣居，相與易至徇物而失于黨。君子非不嚴以持己也，然恭正其在，我初不以己形人角是競非而失其和，益矜而不爭，非不和以處衆也。然所持終不失其正，初非苟且徇物，不合于公，益羣而不黨。此君子于人已之間所以交善也。

析講龜山楊氏曰：

矜者矜莊之矜，非謂矜伐也。

○朱子曰：

矜

是自己把握的意思，故書曰：不矜細行，終累大德。○不争不黨，正君子善用其矜，羣處要，看兩而孚，不宜作矜，便不爭羣，便不黨。套語不爭者止求合于理，而無心立異也。不黨者于理同蒙引云：此當與惠而不費威而不猛等例，看妙絕。

子曰君子不以言舉人不以人廢言

參大金子曰：君子者，採用人取言之權者也。當其用人，則以核寔爲主，不以其言之善，而遽用其人。以人之行多不及言，故也。當其聽言，則以廣取爲主，亦不以其人之惡，而廢其言。之善，以一言之善，自不可沒，故也。其心至公，而無蔽姦。此析講玩語義，兩言皆好，一邊兩人皆不好，一邊說。○人與言皆善，君子則皆用之，人與言皆不善，君子則皆棄之。言外亦有此二意。堯舜庸達，是懲過言必察。

此不以言舉，不以人廢之謂也。

子貢章全旨

此見行已之有要，一言之間，子貢全有反約之機，故夫子以恕之，一言醒之，欲其從心上體勘也。

子貢問曰有一言而可以終身行之者乎子曰其恕乎已所不欲勿施於人

推已及物其施不窮故可以終身行之○尹氏曰學貴於知要子貢之間可謂知要矣孔子告以求仁之方也推而極之雖聖人之無我不出乎此終身行之不亦宜乎

合參子貢問日學莫貴于知要今有一言之約而可以終身體而行之而必不可易者乎子曰欲求終身可行之理其恕之一言乎所謂恕者如何蓋終身之相與醉者人也而人已之同然者心也恕則以己度人凡已之心既不欲即知人不異已勿以此施之于人斯則人已無間身世咸宜之理也以此行之雖終身焉可矣

析講蒙引丁言丁字也恕正是二字已所不欲丁句不但解恕字之義正解恕字所以終身可行也○劉十五日中庸不欲勿施當緊貼違道不遠講猶問仁不欲勿施當緊貼爲仁講此不欲勿施當緊貼行恕丁言講雖八字仍講如二字方妙○韓求仲曰終身行之謂行此一言也不就在世講末句

皇日行之之字卽指一言子貢是求守約非求利行丁說量是綱玩利行意卽包在行二字內蓋非必不可少易之理自然行之有得如何可終身體行必如行恕而不欲勿施則克去人已私心椎之遠近上下何處行不得何時行得盡自然終身可行矣詳中推已三句猶云凡事推已及物則其施用不窮故可終身體而行之也以恕字勿施字貼行之當指終身用工說○蔡氏曰子貢從事博施一言終身之間明是反約意象夫子只就他本身指點人莫近于已身莫約于已身之反求以吾心如人心一身可以通天下守約博施眞可終身行之不盡陳氏曰不欲勿施只就一邊說凡已所欲者亦須要施于人方可

子曰吾之於人也誰毀誰譽如有所譽者其有

吾之章全旨

此夫子以直道維世之意當時以愛憎爲毀譽而下次節明天下原有是非之公心總見直道在人行毀譽而不可得以直字作骨下節蓋推原上節也

所試矣

譽平聲

毀者稱人之惡而損其真譽者揚人之善而過其實末子無是也然或有所譽者則必嘗有以試之而知其將然矣聖人善善之速而無所苟矩此若其惡惡則已緩矣是以雖有以前知其惡而終無所毀也

卷序子曰天下本有是非而人多徇其好惡吾之凡于人也有惡未嘗不稱之以示戒然稱之損其真則爲毀吾于誰而有毀乎有善未嘗不揚之以示勸然揚之過其寔則爲譽竟于誰而有譽乎卽如有所譽者其必或于其天資或于其志向有所試焉而知其將來之能然則有譽而非譽矣譽且無之而况于毀乎

祈講人有一分惡將做十分惡說他便是毀譽亦是稱獎得過當也當其寔日是非過其寔日毀譽不日無毀譽而日誰毀誰譽兩個人誰字正昭着于斯民也看言吾之于人也曾于誰而毀之譽之乎如有一句卽春秋傳所謂善善長惡惡短孔子樂道人之善惡稱人之惡之意試者驗其將然謂以當下言之似爲譽以將來言之則不爲譽矣此一句見得畢

斯民也三代之所以直道而行也

責無譽意本朱子虛齋

斯民者今此之人也三代夏商周也直道無私曲也言吾之所以無所毀譽者蓋以此民卽三代之時所以善其善惡其惡而無所私曲之民故我今亦不得而枉其是非之實也○尹氏曰孔子之於人也豈有意於毀譽之哉其所以譽之者蓋試而知其美故也斯民也三代所以直道而行豈得容於其間哉

卷存疑然吾之于人所以無毀譽者蓋以人心原有直道無古今之異今斯民也卽三代夏商周之君所以賞善罰惡直道而治之民也三代行之于民者善善惡惡皆以直道祐不枉其是非之寔今我正欲行古之道亦安得枉其是非之寔以妄生毀譽也哉

祈講民字對上人字三代對上吾字直道而行對無毀無譽字三代之于民直道而行三代之無毀無譽也吾之于人無毀無譽吾之直道而行也狀帶理如此○大全陳氏曰此句繖上截誰毀誰譽之意○饒氏曰下面民字卽上面人字

但人對己而言民對君而言○蔡氏曰夫子固是無毀譽斯人亦不審有毀譽非謂不敢毀譽全在此也所以說此者以微中出之爲毀譽者耳○所以字直道字俱要玩直一也在民心是非自然處日直心在三主賞罰順其是自然處日直道日所以者正謂民心一默自然處不可欺也斯民是指今日之民卽指三代之民語氣猶云我所以無毀譽者正以斯民也卽三代所以直道而治過的民也○直道而行是說三代于民故我亦欲以直道行之于民也○直道而行則說三代之人君子民皆以直道而行若說三代之民直道而行則解吾之于人誰毀誰譽久則註中善其善兩其字分明指民依常說則其字爲指誰須知三代之時字內卽有君字善其善兩其字寔頂蓋以此民字斷非口民又善他人之善惡中他人之惡也意本說約

吾猶章全旨

此傷人心之益倫也全在吾猶及三主看出史闢文朝猶有信史馬借人野猶有淳風此皆人心近古處今卽此一事而人心之不古已如故夫子追慕之所傷時憤俗而敵人崇忠厚之意至矣此亦偶舉十二事以爲例余亡已與吾猶及緊相呼應

予曰吾猶及史之闢文也有馬者借人乘之今亡矣夫

扶夫音

楊氏曰史闢文馬借人此二事孔子猶及見之今亡矣夫憤時之益倫也愚謂此必有爲而言蓋雖細故而時變之大者可知矣○胡氏曰此章義疑不可強解

參太子曰觀人心可以知世道吾生去古雖遠然向也猶及見夫作史者之闢其文考訂未真且聞未確則闢而不錄未嘗挾已見以自是有馬者借人乘之已相通未嘗挾已有以自私有誠厚之意焉而今則亡矣夫時之益倫何如哉析講借人蓋有子路車馬與共之意兩事皆風俗之厚也史闢文則後世不至以訛傳訛而枉其是非之公故亦爲厚道不知言也故理明則無亂德不堅忍者氣歉也不容忍者無盈也故養氣則無亂謀

巧言章全旨

此是正德立功者不可無審幾之學間兩亂字俱從自心而生聽巧言而喪其所守者心中不明理

子曰巧言亂德小不忍則亂大謀

巧言變亂是非聽之使人喪其所守
小不忍如婦人之仁匹夫之勇皆是

合參子曰理出于正而守之于已者德也是非有定理彼巧言之人以是爲非以非爲是其言亦似近理聽之則真是真非無以辨而心志爲之蠱惑能使人失其所守之正理豈不亂德乎有所爲而圖之于已者謀也謀大事者能忍乃克有濟若自己小有不忍或幸于私而當幾不能果斷或激于忿而臨事失于輕決則所圖之事必無濟矣豈不亂乎

大謀乎此可見巧言當遠而小不忍所當制也
析講太全或問婦人匹夫強弱不同同爲不忍何也朱子曰忍者禁而不發之義婦人之仁不能忍其愛匹夫之勇不能忍其忿也饒氏曰大謀主于斷而輕决則又失之○首幾不能果斷臨事不能含容皆小不忍也

衆惡章全旨

此見好惡不徇衆而定取舍之極

子曰衆惡之必察焉衆好之必察焉

好惡並去聲

楊氏曰惟仁者能好惡人衆好惡之而不察則或蔽於私矣參太全子曰惟仁者能得好惡之正不可概之衆人也故有人于此而衆皆惡之吾必加察焉蓋有迹似不善而其情可取爲衆所易忽亦未可知吾敢以衆惡而遂必其人之惡乎有人于此而衆皆好之吾必如察焉蓋有迹似公而其心未誠爲衆所易惑亦未可知吾敢以衆好而遂必其人之善乎察乎衆而不徇乎衆庶好惡得其正而可以無失人矣
析講察者詳審之謂恐其蔽于私耳既曰衆人未必就是仁人或因其特立而衆惡之或因其同流而衆好之俱未可知故須用察非察衆人之言謂卽衆所好惡之人核行微心而得其可好可惡之寔也好惡果公則隨衆而好惡之好惡或私則違衆不顧矣察字中有此二意饒氏曰亦必我心無私方能察不然則衆好惡之當者我反以爲非矣○太全張氏曰衆人之所惑而君子必加察如孟子之于仲尼畢竟是也

意雙峰饒氏

曰此道字是就自家心上說若就道

人能章全旨

卷之十三論

體上說則道本際天蟠地何待人弘又曰四端甚微擴而充之則不可勝用此之謂人能弘道

子曰人能弘道非道弘人

弘廟而大之也人外無道道外無人然人心有覺而道體無爲故人能大其道道不能大其人也○張子曰心能盡性人能弘道也性不知檢其心非道弘人也

令參子曰道者立人之理而人者載道之器道與人本不相離者也然道之分量本大而藏于心則至微惟人加致知力行之功使此道體立于吾身用昭于天下由修齊治平而極之參贊位育則有以滿道之分量矣能弘此道者非人而誰若夫道備于吾心而其體無爲倘人不用力而欲聽道之自然體立用行以致人于高明光大之城決無此理也道豈能弘人乎是故體道之責在乎人而不可徒諉之道也

析講弘道者非道本小而我大之也只是滿其本來之分量耳如知得盡行得到便是弘非道弘人解作非道自弘悞也弘人註明言大其人大其人者如爲聖爲賢之類○人字兼聖凡言弘字兼安勉言○黃四如曰性分之所固有者

過而章全旨

此章勉人急于改過非

子曰過而不改是謂過矣

過而能改則復於無過唯不改則其過遂成而將不及改矣衆大全子曰人孰無過過而能改則復於無過之地若遂非文過憚于悛改則無心之差反成有心之失是真謂之過矣可不戒哉

吾嘗章全旨

此章爲徒思而不學者發是教人思不可廢學非教人廢思也

子曰吾嘗終日不食終夜不寢以思無益

不如學也

此爲思而不學者高之蓋勞心以必求不如遜志而自得也李氏曰夫子非思而不學者特垂語以教人爾參通義子曰吾以天下之理不思則不得固嘗終日不眠食終夜不服寢以思索大抵可謂思之至矣然懸空思索不免危殆而無可憑據究乏無益于已不如好古敏求卽事求理以盡致知力行之功爲有寔得也

學其可以已哉徒思者可以返矣

析講終日終夜是久不食不寢是專不如學也學內原有思想者萬倍乎○思者只據他心中思索要得此理學則有古人成法爲之持循因事以求命于理學卽兼思若云思可盡廢則學而不思則罔夫子曰嘗言之矣

君子章全旨

此表君子純心之學以勉人專心于道之意

子曰君子謀道不謀食耕也餕在其中矣學也祿在其中矣君子憂道不憂貧

餕奴非反

耕所以謀食而未必得食學所以謀道而祿在其中然其學也憂不得乎道而已非爲憂貧之故而欲爲是以得祿也尹氏曰君子治其本而不恤其末豈以在外者爲憂樂哉合參子曰君子之爲學也終日圖維謙得乎當知當行之道而已初不謀得乎食爲資生計也然食之得不得不保于謙不謀如人之耕以謀食也固不求饑然豐凶難必餕在其中矣人之學以謀道也固不爲謀祿然學至君求祿在其中矣學有得祿之理如此雖是如此然君子之心初不以得祿之故而學也君子唯知道之難能亦難盡憂不得乎道而已至下祿之不得而貧焉則豈以爲憂哉惟憂道不憂貧所引謙道不謀食也君子純于道如此

折講雙峰饒氏曰首句重在謀字上末句重在憂字上謙以事言憂以心言蔡氏曰謙者謙其得憂者憂其失陳氏曰憂之深然後謙之熟○語類上下說君子謀道不謀食蓋以耕學也云云又恐人錯認此意却將學去求祿而又繖一句謂君子所以爲學者所憂在道非憂貧而學也○陳新安曰謙食之食以食祿言與祿字相關○君子之學只是謙道更不謙祿而祿却在其中然祿在其中者理固如此而君子之心

則是爲憂道而學非是爲憂貧而欲爲學以得祿也須下如作三十折看方不淺看了君子○憂在據先耕也句不重起下祿在其中句

知及章全旨

此章言學之全功欲人由已至而求其殊至益德愈全而責愈備也作二十頭兩脚看以學字作骨知仁所以立其體莊禮所以致其用體用兼備乃爲全學有疑不先立其本而欲盡其末則末不可盡先立其本而末之不盡亦有所未備也聖人教人本意不過如此蒙引此章是就士大夫言見當内外本末兼修方是知及仁守則理得于心矣不莊是形于身者猶未也知仁而莊惟則形于身者無愧矣不以禮則見于事者猶未也以此見得道理要做到徹頭徹尾處

子曰知及之仁不能守之雖得之必失之

知夫聲

知足以知此理而私欲間之則無以有之於身矣參通義予自爲學費有全功如資質明敏學問功深于修己治人之理其知足以知之矣然必心德之仁力行其所知而能持之平久則其所知之理乃自然在我而不失苟仁有未

全而私欲橫生工夫間斷不能守其所知之理雖此理已知而得之終非心德之真也必至于失不能寡有諸已矣則知及尤須仁守矣

析講知及之如知爲君賞仁爲子當幸之頤仁以守言乃力行之仁不能守只是私欲間斷雖得必失只就知上說不得不能守則所知者方爲我有○仁不能守之猶云不能仁以守之非已仁而又不能守也

知及之仁能守之不莊以蒞之則民不敬

蒞臨也謂臨民也知此理而無私欲以聞之則所知者在我而不失矣然猶有不莊者蓋氣習之偏或有厚於內而不嚴矣然君子之學內外合一者也苟于臨民之寢不能莊以蒞之而衣冠不正瞻視不尊則民不見其可畏而不敬矣夫不能作民之敬則其德未能形諸身也此知及仁守者又不可不謹其容也

析講朱子曰知及之如大學知王仁守如意誠蒞不莊動不

以禮如所謂不得其正所謂教備而辟之類
知及仁守是明德工夫下首是新民工夫

知及之仁能守之莊以泄之動之不以禮未善也

動之勤民也猶曰鼓舞而作興之云爾禮謂義理之節文○愚謂學至於仁則善有譜已而大本立矣泄之不莊動之不以禮乃其氣稟學問之小疵然亦非盡善之道也故夫子歷

言之使知德愈全則貴愈備不可以爲小節而忽之也泰淺說至於知及之仁能守之又能莊以泄之則形于身者無愧矣然君子之學本末兼該者也苟于動民之際不能節之以禮而凡制度文爲設施曆注所以鼓舞作興之者未免于太中至正之極則禮讓未臻能使民敬而不能使民化是修己治人終固于氣稟學問之偏其道理猶未至于盡善也

此知及仁守而莊泄之者又貴動民以禮也德愈全則貴愈備君子可不勉哉

析講知及句提起仁守是踐知之寔莊泄動禮又會仁之全首節四之字指理言下泄之動之二字指民言○動民主化民說凡條教號令緩急輕重之得宜寔皆本仁中之天則

是謂之禮禮字屬我不屬民不是使民猶禮是我循禮以動民○蘇紫溪云動之以禮卽是齊之以禮占人明德便新民故治化之偏亦皆盛德之累也不可如常說以化民作細行說李九我云動民不以禮亦在君子身上說與知仁莊泄一例○不莊泄亦是心體放逸處便見不能仁守未節知及三何覆括一番極有意朱言雖知仁莊泄相須不偏而動民猶不可無禮乃見學問醇備處動以出治言禮卽齊之以禮之則是曰以禮于此少偏是于成物處猶有疵漏非仁曾之全故曰未善也

君子章全旨

此章言觀人之法見君子當觀其大小人當觀其知俱以事為言大兼小德小不過才技之末耳不可以才技分大小知就外所得見言受就中所當言

予曰君子不可小知而可大受也小人不可大受而可小知也

此言觀人之法，知我知之也。受彼所受也。蓋君子於細事未必可觀而材德足以任重小人雖器量淺狹而未必無一長可取

參存疑子曰觀人當于其大不當于其小君子所以發者大而于小事或不屑理會故我不可以小者知之而可以大者爲彼承受也君欲以小知之則失其爲君子矣小人大節本無定觀每于小者致意益不可以大者爲彼承受而我但可以用君子小人者辨别不可不精而任使不可不當也

析講朱子曰一事之能否不足以見君子之蘊然能任天下之重而不懼小人一長之才亦可器使但不可以任大事耳○大姻下綱常大道理宇宙大責任輔世長民太事業托孤寄命大節操皆是小如米鹽錢穀一技一能之類皆是長于大而短于小不失爲君子若短于大而長于小是亦小人而已此君子小人之所以辨也故曰此言觀人之法○此小人是小有才之人與庸劣陋惡之小人不同王觀濤曰不是君子限定不能小事君子或有不屑于小者亦或有兼長夫小者但此俱不足以見君子惟大受方見君子大受小知俱以事

功言

民之章全旨

此章總是勉人爲仁之意上言仁之甚切于人以見其所當勉下言仁之無害于人益見其所當勉

子曰民之於仁也甚於水火水吾見蹈而死者矣未見蹈仁而死者也

民之於水火所賴以生不可一日無其於仁也亦然但水火外物而仁在已無水火不過害人之身而不仁則失其心是仁有甚於水火而尤不可以一日無者也遇水火或有時而殺人仁則未嘗殺人亦何憚而不爲哉李氏曰此夫子勉人爲仁之語下章放此

參序子曰人知民賴水火以生而不知仁尤爲生生之理是民之于仁之切也更有甚于水火而不可一日無者也况夫水火吾見有蹈之而死者矣猶有時而殺人至于仁未見蹈之而死者也人亦何憚而不爲哉析講存疑甚字有二意水火外物而仁在已是二意無水火不過害身而不仁則失其心是一意

當仁章全旨

此章勉人之勇于爲仁重。當字不讓只。是當字氣力者去。做便是讓。便是擔。當不勇者。

子曰當仁不讓於師

當仁以仁爲已任也。雖師亦無所遜。言當勇往而必爲也。蓋仁在己無所與過。若善名在外。則不可不遜。

參序子曰學莫要乎爲仁。須擔當之。以爲已任。而勇往直前。以圖之。不宜因循退托。而遜讓于人。雖師亦所不讓焉。凡他人

可讓。而亦無得而讓諸人者也。

折講此與上章皆勉人爲仁之詞。上章爲凡民都不知仁。而不

憚于爲之者。發此章爲學者粗知仁之爲美。而不知勇。平有爲者。發。

蔡氏曰如顏之請事曾之仁爲已任。便是當仁不让。○朱子曰當仁擔當之當。這仁字是挑大處難處說。這般

處須着擔當。不可說道自家做不得。是師長所做的事。所說

不讓猶程子所謂不可將第一等事讓與别人做者。不讓

君子章全旨

此示人以應世之則也。貞與諒皆固守意。辨在正與不正之間。正而固便是貞。不正而固便是諒。正

與不正只爭一个見理。不見理耳。貞者見得道理。是如此便。不

易。諒則不擇理。之是非必要如此。則有固必之意。

子曰君子貞而不諒

貞正而固也。諒則不擇是非而必於信。

合參子曰人固貴于持守。然有見于理之正。而不易其守者。

貞也有固守。而不知理之是非者。諒也。君子之應事審。持任

理。當行則行。當止則止。固守。歸于正。如是其貞焉耳。未嘗

必信。必果。不顧義之所在。徑。然執一已。

之小信而諒也。此君子之所以善處事也。

析講覺軒蔡氏曰諒有二訓。有止訓。信者友諒。是也。有

訓。必信者。此諒是也。諒似貞而寔。非故夫子別而言之。

事君章全旨

此夫子示人臣以純心。事君之道。但看敬字。便等專。不期食之後。而自後矣。後食絕無利祿。斷報。

之念止是純心盡職正是敬處

子曰事君敬其事而後其食

後與後獲之後同食祿也君子之仕也有官守者脩其職有言責者盡其忠皆以敬吾之事而已不可先有求祿之心也合參子曰人臣之事君也君所任我之事爲重必須各敬其所司之事不論事之大小皆當兢兢業業以求稱職至于食有常祿則不必汲汲干此事君之義乃純也苟一心以圖事又常祿則其忠必不盡矣豈个臣純心事君之道哉析講南軒張氏曰事君者主于敬其事而已官有尊卑位有輕重而敬其事之心則一也胡氏曰後其食者蓋委置之不在乎念慮之間

有教章全旨

此夫子示教人之當公也有無二字相應有不教便沒不類了非真無類也有而不計也就教者之

子曰有教無類

人性皆善而其類有善惡之族者氣習之染也故君子有教

心上說

則人皆可以復於善而不當復論其類之惡矣
參序子曰人性染于習氣固有善惡之類然君子有教則盡人皆欲使之化于善而不復論其類之殊蓋至公之心如此若擇類而教則惡者將棄之不教矣豈君子立教之本心乎析講氣稟有清濁之分習染有邪正之異註中氣習二字當如此分看蔡氏曰有無二字俱就教者立心說習有類性無類教所以復人性君子之心惟知以教其類而已豈先計人之類而以爲有可教不可教之別哉○又云無類是無所擇意未說到人復于善處

道不違全旨

此示人當慎所與謀也道以行言道路也道德路上人可與謀事功路上人可與謀事功謀有同心協濟意所以必須同道此亦太概之詞不專主謀國事上上看○彙解註雖兼善惡邪正然重在善不可與惡相謀正不可與邪相謀恐無濟而有害也

子曰道不同不相爲謀

爲去

不同如善惡邪正之類

合參子曰天下之事非謀不定然必道同而後可與謀也若

人品學術之各殊，是道不同矣。道既不同，則趨向分意見別，與之謀議必乖違而不合，而無濟于事。故彼此不相爲謀，事者當知所慎矣。

析講
麟土日註善惡謂人品邪正謂學術不相爲謀論理勢如此。擇人而謀意在言外。

辭達章全旨

此以達之一字示人以修辭之法。○辭兼明道之辭經世之辭聖人之情見于辭只一達字盡之。

子曰辭達而已矣

辭取達意而止，不以富麗爲工。

合衆子曰辭何爲而設也？爲意存于中而托諸辭以宣之也。故修辭者意未達必求達意，則辭可以已矣。不必復有所加也。再過求之，非以繁多爲富，則以華美爲麗，正理反爲所蔽，本意反不達矣。

析講大意爲當世之命辭者，徒以富麗爲工而反以晦其意，故發此辭字須一一頓。○勉齋黃氏曰達而已矣，非通于理者不能達也。

師冕章全旨

此章見聖人矜不成人，自然處，自然處，卽道也。道非有名可循而有法可取，如遇師卽有相師之道。

推之，老安少懷莫不皆然。聖人行來不知枯起，便覺于此。大理流行隨處，充滿于張，一問深得無行，不與之妙。

師冕見及階子曰階也及席子曰席也皆坐子告之曰某在斯某在斯

三見賢

遍反

師樂師瞽者冕名再言某在斯歷舉在坐之人以詔之。參序師冕來見孔子，孔子迎之，方其至，階子則曰此階也，使其知所升。方其至席子則曰此席也，使其知就位。及衆皆坐定矣。子則歷舉以告之，曰某人，在斯位某人，在斯位，使得以伸其敬，而知所與言也。

析講大全吳氏曰古者樂師皆用瞽，以其廢視而專聽，且令天下無廢人也。○子告之曰某在斯某在斯十字當作一句。讀是撮記之辭不可又代口氣。

師冕出子張問曰與師言之道與

與平

聖明學者於夫子之一言一動無不存心省察如此
參序師冕見而出予張問曰師耳及階及

席皆坐夫子詳與言之意卽道之所在與
析講麟士云言之處當畧斷○翼註子

張之間意其必出于道不是疑其非道

子曰然固相師之道也

相去

相助也古者瞽必有相其道如此蓋聖人於此非作意而爲之但盡其道而已○尹氏曰聖人處已爲入其心一致無不盡其誠故也有志於學者求聖人之心於斯亦可見矣范氏曰聖人不侮鰥寡不虐無告可見於此推之天下無二物不得其所矣

合參子曰然道之所在也是固相師之道如此古者瞽必有相用以持危扶顛今吾詳與師言亦猶行古之道耳不足異也要之卽此而推可見道無往而不存也

而聖人之動靜語默無往而非道矣

析講上節子張問與師言之如此是道與此答云然者是道也然又嫌以無往非道言處故又曰固相師之道也此似推

而自抑之辭新安陳氏曰瞽者之來未必無相夫子自矜之且敬之故節節謹告之有目者待無目者之誠心曲禮也○周禮春官太師下不夫二人少師上士四人瞽曠三百人眡瞭三百人眡瞭掌太師之縣凡樂事相瞽注相謂扶也瞽曠作樂眡瞭扶之故俱三百人○眡瞭有目者

季氏第十六

爲齊論凡十四章

季氏章全旨

此章見夫子正名分之意董在昔者一節伐顓臾之非已斷盡了下因冉有解釋又再申其責之之意耳下分二段看一因冉有歸過于季而責其過之不可辭二因冉有文過干已而責其憂之非所急也

季氏將伐顓臾

顓音專

顓臾國名魯附庸也

參集解顓臾伏羲之後風姓之國魯之附庸季氏貪其土地欲滅而伐之

析講大全蔡氏曰人臣無將將必誅將伐二字是案○記伐顓臾而曰季氏見季氏以魯臣而取其君之屬邑是無魯也

記取顓臾而曰伐見季氏以太夫而擅天子之太權是無王者也將者欲伐而未伐見其臣尚可以諫而季氏尚可以止也此記者之書法着意處按禮記註民功曰庸其功勞附大國而達于天子曰附庸

冉有季路見於孔子曰季氏將有事於顓臾

見賢反

○按左傳史記二字仕季氏不同時此云爾者疑子路嘗從孔子自衛反魯再仕季氏不久而復之衛參序冉有與季路爲季氏家臣來告孔子曰季氏將有征伐之事于顓臾盍欲決可否乎夫子曰季氏

析講蔡氏曰冉求之自孔子以此事一子與焉其心亦有未安者欲觀孔子之意以爲何如耳

孔子曰求無乃爾是過與

與平聲

冉求爲季氏聚斂尤用事故夫子獨責之

參序時冉求比由尤用事夫子獨責之日求顓臾之伐未必皆季孫之過也毋乃

爾寔是爲之謀之過輒

夫顓臾昔者先王以爲東蒙主且在邦域之中矣是社稷之臣也何以伐爲

夫音扶

東蒙山名先王封顓臾於此山之下使主其祭在魯地七百里之中社稷猶五百家是時四分魯國季氏取其一孟孫叔孫各取其一獨附庸之國尚爲公臣季氏又欲取以自益故孔子言顓臾乃先主封國則不可伐在邦域之中則不必伐是社稷之臣則非季氏所當伐也此事聖之至當不易之定體而一言盡其曲折如此非聖人不能也

參蒙引來亦知顓臾非夫顓臾昔者有周先主封之于東蒙山之下以主東蒙之祀則其立國有自來而非竊據者比矣且在魯邦城之北則非敵門外患者比矣况附庸于魯又是社稷之臣而不在季氏管轄之内季氏伐之是蔑先主之命爲邦城之擾撤公室之衛也果以何者爲出師之詞而伐之哉悼亦甚矣

析講提出先主二字把天下大名分所，在壓樹他邦城二句俱根先主來論先主之封建是理不可伐况在城中勢又不

必伐且爲公臣分又非季氏所當代然則字是子相承轉下不平對姓名附于魯君貢賦人三千公朝故曰是社稷之臣社稷魯君之社稷也故曰社稷猶云公家蒙引附庸只是附大國以自通子天子宜非諸侯所得而臣者及觀之魯頌云乃命魯公俾侯于東錫之山川土田附庸所知寔爲公家之下臣矣○大全趙氏曰蒙山在泰山郡蒙陰縣西南今沂州費縣也○厚齋馮氏曰按禹貢有二蒙徐州蒙羽其藝東蒙也梁州蔡蒙旅立西蒙也○襄註主是祭主不重祭主只見得是個附庸諸侯耳以諸侯祭封內山川故也○既在境內顯與之地固晉地也不消又多一番事了既是公家之臣縱然有罪須是公家伐之季氏如何伐得

冉有曰夫子欲之吾二臣者皆不欲也

夫子指季孫冉有實與謀以夫子非之故歸咎於季氏參序冉子以夫子責之乃譏咎于季氏曰顥與之伐寔夫子所心欲之吾與由二臣者心皆不欲其有此舉也析講蒙引夫子欲之求自解也下文固而近于費又是爲季氏解欲字正季氏病根于孫憂及患貧寡皆此欲字夫子說

孔子曰求周任有言曰陳力就列不能者止危而不持顛而不扶則將焉用彼相矣

任平聲焉於虔反相去聲下同

周任古之良史陳布也列位也相瞽者之相也言二字不欲則當諫諫而不聽則當去也參淺說孔子曰求子安得議其責哉昔周任有言曰爲人臣者能陳布其臣救之力則孰人臣之位不能盡其力則止而不就其位且君之賛臣爲其能體憲糾繆也如瞽者列相以扶危持顛也若聽其傾危而不夾持聽其顛仆而不扶起則將焉用彼相者爲哉此周任之言也今改既不欲則當諫諫而不聽則當去也析講陳力就列有事贊勸有過匡正說孔周任之言通重在位當諫意于外編云周任商太史蓋立言人也○大全饒氏曰危未至于顛故持之使不至千顛顛則既踣須扶起之○蒙引持危扶顛卽于陳力之義通此良俱周任言耳

且爾言過矣虎兕出於柙龜玉毀於檻中是誰之

過與

兜徐履反柙戶申

兜野牛也柙檻也檻置也言在柙而逸在檻而毀典守者不得辭其過明下一字居其位而不去則季氏之惡已不得不任其責也

合衆曰爾言二臣不欲此言過矣夫虎兕不在山而逸而出自于柙龜玉不在外而毀而毀于柙中是誰人之過歟是在典守者今二子居其位而不去則季氏之

典守者也季氏有過爾安能辭其責哉

析講周臣二節一直說下言不欲則當諫諫不聽則當去不去則季氏之惡已不得不任其責矣總見不可歸咎于季氏意蔡氏曰爾言過矣謂二臣不欲之不言以爲得辭其責亦已過矣下引喻以明不得辭其責存疑過矣過字與下過字不同此是言過下是行過○虎兕出柙喻季氏踰越人臣之紀法龜玉毀檻喻季氏

類覆王房之典章

冉有曰今夫顓臾固而近於費今不取後世必爲子孫憂

扶

固謂城郭完固費季氏之私邑此則冉求

之飾辭然亦可見其實與季氏之謀矣

參有疑冉有因末子連責他又憂懼其說以解之曰季氏欲伐顓臾非不得已也今失顓臾城郭完固而近於其費邑固則在彼有難克之勢近則在我有侵凌之患今若不乘勢以取之恐强大在彼微弱在我後世必將爲季氏子孫之憂故耳析講勉齋曰冉有此言見顓臾之豈復知有魯哉齊氏曰孔子爲司寇使仲由墮費而求及謀伐顓臾以益費是孔子勝三十家以墮公室而求反之故孔子惟深責冉求以爲非由本意也○翼註只此一憂字生出下面四句來

孔子曰求君子疾夫舍目欲之而必爲之辭

夫音扶

○欲之謂貪其利

參直解 子曰 求君子最惡那心裏貪利却舍之不言而別爲飾詞以欺人底人今季氏之取顙臾本是貪欲也求以食說

貪欲而爲飾詞曰今不取後必爲子孫憂是君子之所疾也

析講君子疾夫食曰欲之直趕到而必爲之辭作二十一句讀方

是○此欲字與夫子欲之欲字不同故註特解曰謂貪其利

丘也聞有國有家者不患寡而患不均不患貧而患不安蓋均無貧和無寡安無傾

寡謂民少貧謂財乏均謂各得其分安謂上十相安季氏之欲取顙臾患寡與貧耳然是時季氏據國而魯公無民則不均矣君弱臣強互生嫌隙則不安矣均則不患於貧而和則不患於寡而安安則不相疑忘而無傾覆之患

參蒙引我看來季氏非爲子孫憂也憂寡與貧耳丘也聞有

國有家者所患不在民之寡患無上下之分而至千不均所

患不在財之乏患失上下之心而至千不相安蓋貧由子不

均也誠使君十卿祿彼此之分既均則君事公賦之入臣有

采地之供微此皆足何貧之有寡由于不和也若均而無貧

則君臣之情自相和睦則君有公家之民臣有私家之民

不爭而各享其有何寡之有和而無寡則上下之情安矣君

安于臣無所疑忌臣安于君無所猜嫌君臣相安則廁亂不

雜而君岱其國臣保其家元無傾覆之患矣夫國家之治無

于無領而要自均安始此貧與寡

不患而不足患而不均不安所當患也

析講蔡氏曰既云有國有家上印無貧寡恤因患而見貧寡

耳所以貧寡不足以患惟因其患貧寡而至于不均不安其禍

有不可言者是真可患也無領正與下蕭牆之憂相應○丘

也二節以修內治安遠人說下節修文德與內治修不同內

治修主國中君臣均安詳修文德則凡柔遠之道皆在○有

國有家雖爲魯與季氏言且反說所聞不嘆是成語只是理

之當然意蓋均無貧三句是就上一句而申明之○達說此

下四節上一節是泛言求二節總是責由求不當伐顙臾不

重斷季氏患寡與貧聞字意貫及下節○盍字推原所以患

不患之意蓋字下又添利傾二字何也蓋和即富于均安故

并及之傾不止于貧寡故究言之○麟土云盍字申說上文

之詞下三無字辭上兩不患也均無貧等蒙引申通亦精然只依文衍發不甚作葛藤爲妙此節既泛以所聞說則註是時季氏據國六句預犯分崩離析不可入講存疑民盡歸于家君無民矣不均孰甚故曰不患寡而患不均民財皆入于私家而君無所有臣雖富而君豈能安君既不安則臣亦豈能獨安故曰不患貧而患不安第一緊要是均種興安皆從此起○翼註凡人民財用兼則不足不爭則見其有餘無貧無寡皆此意

夫如是故遠人不服則脩文德以來之既來之

則安之

夫音扶

內治脩然後遠人服有不服則脩德以來之亦不當勤兵於遠參達說大均無貧和無寡安無僂如是則內治修內治修則遠人自服矣故遠人或有不服則但當布教化明信義修吾禮樂法度之文德以懷來之不勤兵也既來之則安之隨分處置令彼無去心不利其人民土地也這是柔之遠能適安定國家之大道也丘之所聞如此

子路雖不與謀而素不能輔之以義亦不得爲無罪故并責之遠人謂顓臾分崩離析謂四分公室家臣屢叛參蒙引今由與求也共相夫子外而遠人不服而不能修文德以懷來之上也內則公室分崩而歸之秋室家臣離析而至于屢叛而不能修內治以使之均和安也亦異乎吾所聞矣析講達說此方就說顓臾說皆反上意而言今字對上聞字看遠人捐穎臾不妨蓋不屬季氏便是遠人也○左傳昭公五年季氏舍中軍四分公室季氏擇二字各皆盡征之而貢于公定公五年陽虎囚季桓子八年陽虎欲植冬

十月將享季氏于蒲圃而殺之不克脫甲如

公宮取寶玉大弓以出入于譙陽闕以拔之

而謀動于戈於邦內吾恐季孫之憂不在顓臾而在蕭牆之內也

于楯也戈戟也蕭牆屏也言不均不和內變將作其後哀公果欲以越伐魯而夫季氏○謝氏曰當是時三家強公室弱冉求又欲伐顓臾以附益之夫子所以深罪之爲其癡鈞以肥三家也洪氏曰二子仕於季氏凡季氏所欲爲必以告於夫子則因夫子之言而救止者宜亦多矣伐顓臾之事不見於經傳其以夫子之言而止也與參蒙不以德而乃以兵不治內而乃治外謀動于戈于邦域之中自爾而言季氏爲子孫憂也吾恐不均不安內變將作季孫之憂不在于顓臾而在于蕭牆至近之處也可不戒哉

析講達說此節因其爲子孫憂之言而及之乃論其理如此註不即不和只承分崩離析言于蕭牆之憂爲切蕭牆明其

逝猶言患生肘腋一般○史氏曰上節遠人此謀動于戈應指顓臾以其自是一國則曰遠人以其魯之附庸則曰邦內也頗妙○左傳哀公二十七年公患三桓之侈也欲以諸侯去之三桓亦患公之妄也故君臣多間公欲以越伐魯而去之春秋八月甲戌公如公孫有墮氏因墮于邾遂如越

天下章全旨

此章通論天下大勢從有道而及無道又因無道而思有道全是以維持名分挽今而返古之後二十節兩呼天下有道有歸責君上之意○禮樂以敷文教征伐以奮武威天子之大政也政在天子便是有道之天下政在臣下便是無道之天下三个有道大意相同

孔子曰天下有道則禮樂征伐自天子出天下無道則禮樂征伐自諸侯出自諸侯出蓋十世希不失矣自大夫出五世希不失矣陪臣執國命三世希不失矣

先生之制諸侯不得變禮樂專征伐陪臣家臣也

衆存疑孔子曰天下理勢而已勢在上則治勢在下則亂彼先主之時天下有道則五禮六樂惟天子得而制之七征九伐惟天子得而命之其權自天子出爲臣下者不過奉行其命而已孰敢有變禮易樂而專征伐者乎至平後世天下無道君弱臣強侯國所用禮樂不經天子之制作輒自變易征伐四方不受命于天子轉自專擅而自諸侯出至自諸侯出則逆理矣蓋相傳十世少有不失其柄矣諸侯既可專禮樂征伐則大夫亦可專之也至自大夫出而逆理甚矣蓋五世少有不失其柄矣大夫既可專禮樂征伐則陪臣亦可專之也至陪臣亦可專國命而逆理愈甚矣蓋三世少有不失其柄矣勢必爲他人所奪也凡事違其常者必不可久大約世數不過如此

析講此節首一句另講下三段疊說下方得註中逆理愈甚則其失之愈速意○有道無道俱以天子作主○蒙引有道無道八是言世治世亂國命畢竟是禮樂征伐然既出自諸侯大夫則只爲侯國之事不復天子之器故只稱國命

天下有道則政不在大夫

言不得專政

合眾以是觀之天下有道則政有所統天下所共尊者天子耳禮樂征伐既不在諸侯而一國賞罰號令之政柄人何至下及而在大夫哉不在大夫而陪臣可知矣

析講存疑此因當世列國之政皆大夫出而言也齊

則政由田氏魯則政由三家○政即は禮樂征伐

天下有道則庶人不議

上無失政則下無私議非籍其口便

不敢言也○此章通論天下之勢

合眾天下有道君明臣良治具異張上無失政則下皆順治庶人又豈有私議乎庶人不議則庶人而上可知矣吾安得而生其世也

析講此二節言治世無專政之臣議政之民所謂政與不議要不外禮樂征伐也議是議禮樂征伐之失當單言大夫上方便該得諸侯下便該得陪臣有道即是首節有道意上無失

政言天子之政在諸侯大夫陪臣也權不下移故不議○

麟士昭上節存疑解則此節必因天下之政皆不免庶人之議而言也○止齋陳氏曰此章備春秋之始終禮樂征伐自天子出見春秋以前時節自諸侯出隱相莊閔之春秋也自大夫出僖文宣成之春秋也陪臣執國命襄昭定哀之春秋也孔子作春秋正欲反其在大夫者以歸之天子自托于庶人之議云耳

祿之章全旨此章論僭竊之必失惕權臣也言祿又言政者蓋竊權者政去卽祿去交互言之也上章戒失權者此章戒

孔子曰祿之去公室五世矣政逮於大夫四世矣

故夫三桓之子孫微矣

夫音扶

魯自文公薨公子遂殺子赤立宣公而君失其政歷成襄昭定凡五公逮及也自季武子始專國政歷悼平桓子凡四世而爲家臣陽虎所執三桓三十家皆桓公之後此以前章之說推之而知其當然也○此章專論魯事疑與前章皆定公時

譜蘇氏曰禮樂征伐自諸侯出安諸侯之強也而魯以失政政逮於大夫安大夫之強也而三桓以微何也强大於安安生於上下之分定今諸侯大夫皆陵其上則無以令其下矣故皆不久而失之也

叅存疑此孔子因前章之言而及魯事曰諸侯總一國之政享一國之祿固其宜也我魯自文公薨襄仲殺子赤以立宣公君弱臣强國之貢賦不爲公室所有祿之去也于今已五世矣宣公以後越二世而季武子始專國政政逮于大夫于今已四世矣政逮于大夫五世而不失故夫三桓之子孫于今當已微弱矣祿豈能常享政豈能久專乎則上下大分其可倦乎

析譜祿指貢賦政指賞罰○

大金洪氏

曰前言十世五世理

也今言五世四世者寔也非其有而有者必失不宜大而大者必微○左傳文公十八年文公二十一妃敬嬴生宣公敬嬴嬖妾而私事襄仲即公襄仲欲立之叔仲不可仲見于齊侯而請之齊侯新立而欲親魯許之冬十一月仲殺惡及視其母而立宣公夫人姜氏驅於齊哭而過市曰天乎仲爲不一道殺適立庶市人皆哭之左氏以爲惡公羊以爲赤集註曰子赤一本

公羊傳也。○據註云：此以前章之說推之，則子孫微當作「未然」。蓋但定公時，陽貨已執桓子矣，且玩本文，故夫字是既事之詞還，作已然說爲是。據左傳定公五年九月陽虎囚季桓子及公子文伯而逐仲梁懷子，文伯季桓子之從父昆弟也。虎欲爲亂，恐二子不從，故囚之。○真註。

故夫猶云宜乎！據上章，五世希不復失來。

三友章全旨

此章總見取友之賞，慎友字損益字俱主我言，三友字以人言友直等友字副是我去友一人也。作交孚看。

孔子曰：益者三友，損者三友。友直、友諒、友多聞，益矣；友便辟、友善柔、友便佞，損矣。

便平聲辟婢亦反

友直，則聞其過；友諒，則進於誠；友多聞，則進於明。便辟，謂習於威儀而不直；善柔，謂工於媚說而不諒；便佞，謂習於口語而無聞見之實。三者損益正相反也。○尹氏曰：自天子以至於庶人，未有不復友以成者，而其損益有如是者，可不慎哉？

參太全孔子曰：凡人取友，不可不慎。有益于我者，有三樣：明友，有損於我者，有三樣：朋友益者，何責？善，無諱者，直也。昔友之信，寔相示者，諒也。吾友之多識，前言往行者，多聞也。昔友之友，直則有過，必聞；友諒，則識心日進；友多聞，則知識日廣。益矣。損者，何威儀，耆熟者，便辟也。吾友之每事順者，善柔也。吾友之諛言可聽者，便佞也。吾友之友，便辟，則不能聞其過；友善柔，則不能存其誠。友便佞，則聞見日流于下，損益三十益，爲常情所敬，愧三十損，爲常情所抑。悅，能取益友，而遠損友，德何患不成哉？

析講直就言論上說，諒就立心制行上說，多聞就學問上說，直諒多聞與便辟善柔便佞，丁正丁邪，丁賢一不肖，自是相反，正是欲入反照而知取之。

遠之意，註中反對極有意味。

三樂章全旨

此章總見情發之，當慎樂，是情之所鍾，最易移人。究竟損益的關頭，只是理欲二字聖人臚列出來，

正是要人自擇。

孔子曰：益者三樂，損者三樂。樂節禮樂，樂道人。

之善樂多賢友益矣樂驕樂樂佚遊樂宴樂損矣

樂五教反禮樂之樂音

岳驕樂宴樂之樂音洛

節謂辨其制度聲容之節。霸樂則侈肆而不知節。佚遊則惰慢而惡聞善。宴樂則淫溺而狎小人。三者損益亦相反也。

尹氏曰君子之於好樂可不慎哉

參大全孔子曰人情孰無好樂而樂之有益者有三樂之有損者有三益者何如禮有制度樂有聲容則樂辨其制度聲容之節人或有善言有善行則樂稱道其人之善而不廢而此直諒多聞皆賢友也則樂多集賢士以爲友如此者禮樂有以養其莊敬和樂之寔于內善其威儀節奏之文于外道善而欣慕愛悅則爲善之心日生多賢友而勸善規過有觀洪之助樂之不已雖欲不狃其放心以進于道亦不可得矣益矣損者何樂驕縱侈肆以爲樂樂安佚玩遊以爲樂樂宴逸淫瀨以爲樂將見驕樂則長傲而不敬不和矣佚遊則怠荒而忘人之善矣宴樂則猶邪而憚親朋

已矣損矣人情之所發眞不可不慎也

析講節不必辨其制度聲容當解云因其節而節之益制度聲容本皆有無過不及的節度豈以吾心苦身按其節而循習之也

黃勉齋曰節禮樂者欲其循規矩而不敢縱肆也

語類節禮樂說得淺只是夫理會禮樂理會得即是有益供遊如從流上下博奕田獵之類宴樂如飲食聲色之類霸樂以驕爲樂也宴樂以宴爲樂也問佚遊如何與道善相反曰樂道人善則心常汲汲于好善若是佚遊則是放蕩閒過了日子雖所損稍輕亦非是小害

顧麟士云朱子下云汲汲字以對佚遊最是眼目凡友樂損益相反處皆如此科理此章見言貴因時躁者先時懶者後時瞽者冥然不知所謂時○都陽朱氏曰此章論事上之禮而

侍於東平首

見言語之節胡氏曰

不知所謂時○都陽朱氏曰此章君子兼德位而言

孔子曰侍於君子有三愆言未及之而言謂之躁言及之而不言謂之隱未見顏色而言謂之瞽

瞽

君子有德位之通稱愆過也瞽無目不能察言觀色○尹氏曰時然後言則無三者之過矣

卷序孔子曰君子之人以德則盛以位則尊侍于其側者不可不慎也若誦默不以其時則有三者之愆焉或言未及之時亦可言也而率爾便言是急遽淺露則謂之躁躁一愆也

或言口不及之時可以言也而臧默不言是中藏不達則謂之隱隱一愆也或時可以言也又當察君子之顏色喜怒從適

何如若未見顏色而恣意以言是無察言觀色之明則謂之瞽瞽又一愆也凡冉心失存養故語默皆愆可知哉

析講大全黃氏曰言有及不及者或長者當先言不及少者或君子先有問則承問者當先對不以少長拘也而又有未

見顏色者雖及之而言亦須觀長者顏色或意他在或有不樂則亦未當言也○按黃氏說或長者當先言或君子先有問則言及之言未及之兩訝字是合君子與長者槩說不必專屬君子若而言而不言而言三訝字則專屬侍者矣○襄註獨言侍君子者以卑承尊則語默之宜皆當聽于尊者而不得自由也○躁隱瞽俱是無心失理之病故謂之愆不可將隱字作不言飭之類說得近深

三戒章金首

犯之之意

孔子曰君子有三戒少之時血氣未定戒之在色及其壯也血氣方剛戒之在鬪及其老也血氣既衰戒之在得

血氣形之所待以生者血陰而氣陽也得貪得也隨時知戒以理勝之則不爲血氣所使也○范氏曰聖人同於人者血氣也異於人者志氣也血氣有時而衰志氣則無時而衰也少未定壯而剛老而衰者血氣也戒於色戒於鬪戒於得者志氣也君子養其志氣故不爲血氣所動是以年彌高而德彌邵也

參淺說孔子曰君子平生以理制欲而戒之未發者有三焉三者何少之時血氣未定易動于欲則戒之在好色勝之以理而情慾不留焉及其壯也血氣方剛易動于忿則戒之在

爭開勝之以理而有忿必懲焉及其老也血氣既衰別無所

義焉君子隨時而有此三戒所以不爲血氣所使而終由干義理之正也

析講太全黃氏曰三者自少至老皆所當戒然二者之好又各隨其血氣而有最甚者焉故各慎之而使之深戒也陳新安曰三戒隨時而有就衆人所易犯者言也

三畏章全旨

此章重上節君子邊下節輕畏非空畏是兢兢戒細玩註仍當以畏天命作主三戒是

遇欲三畏是存理皆君子爲已之學也

孔子曰君子有三畏畏天命畏大人畏聖人之言

畏者嚴憚之意也天命者天所賦之正理也知其可畏則其戒謹恐懼自有不能已者而付畀之重可以不失矣大人聖言皆天命所當畏知畏天命則不得不畏之矣

參太全朱子曰君子之心有所嚴憚而敬畏者三焉三者何

天以正理賦與於人此天命也君子則戒謹恐懼以求全此

理而不敢違也德位兼隆之大人全此天命者也君子則尊之爲師表而不敢易也往古聖人垂訓之言宣此天命者也

君子則奉之若蓍蔡而不敢悖也君子之三畏如此

析講太全朱子曰畏天命三字好自聖會得道理便謹去做不敢違便是畏之也如非禮勿視聽訣勤與夫戒慎恐懼皆所以畏天命也天命者天所賦之正理如仁義禮智是也不指氣數○蔡氏曰畏者嚴憚之意天命謂性日用之間皆天命流行觸處戒懼惟恐失喪大人行可爲法聖人言可爲則于此皆畏是君子撫心之法朱公遷曰命以理言則其命之于天者而言也觀之則無間斷聖人之事也畏之則無怠慢君子之事也

小人不知天命而不畏也狎大人侮聖人之言

侮戲玩也不知天命故不識義理而無所忌憚如此○尹氏曰三畏者脩己之所當然也小人不務脩身誠己則何畏之有參家引蓋君子畏大人聖言亦以其知天命之所畏而已小人則不知天命之所存是以徇欲滅理而莫之畏也不畏天命則不識義理而又何所忌憚哉王大人則不知其當尊且

猶視而慢矣于聖人之言則不知其當法日侮而戲玩之矣君子修之吉小人慄之凶念敬肅之間而已

析講大全陳氏曰二千畏本平說上一節本無知字意然以小人不知天命推之則見得君子之所以畏天命者以其知天命也故集註于上一節亦兩以知字言之

生而章全旨

此章是始終勉人爲學只重二字生知不易得矣莫說學知次于生知卽因而在學則困知亦卽次于生知此次二字是不甚相遠之意

孔子曰生而知之者上也學而知之者次也困而學之又其次也困而不學民斯爲下矣

因謂有所不通言人之氣質不同大約有此四等○楊氏曰生知學知以至困學雖其質不同然及其知之一也故君子惟學之爲貴困而不學然後爲下

叅淺說孔子曰人之氣質不能皆同彼生而神靈不待于學而自能知此理者此氣極其清質極其粹乃氣質之最上者

也有生而不能知必待于講求學習而後知此理者是其氣質雖清純而亦不能無蔽自其上者而觀之蓋其次也有婦也不知學必待困心衡慮而後能發憤爲學以知此理者是其秉質濁多清少駭多弊少自其上者而觀之又其次也若夫困而不學冥然無覺懵然不顧是乃氣質昏濁之甚偏蔽之極也如此之民斯爲下矣學其可不勉乎

析講大全蔡氏曰知之之字指義理生知是最上一等不可企及然學知困知皆可由學以進于知雖次于生知究竟豈終遠哉必困而不學纔斯爲下耳困是義理窒塞難通學則慎悱奮發轉來○張南軒曰中庸言及其知之者言其終所至之同也此有三等之分者其始所進之異者也○上字欠字俱就氣質言兩欠字俱對上字看言皆可與上者同歸也未見惟生知而後可以無學其次則必有待于學矣反向變異在乎人之自勉耳

九思章全旨此章見君子之心學前大件是存心治身之要後三件是明理克己之功平日固當存養此心使常惺惺及至身心有感尤當每事致思反求而得其理也

孔子曰君子有九思視思明聽思聰色思溫貌思

恭言思忠事思敬疑思問忿思難見得思義

聲

視無所蔽則明無不見聽無所壅則聰無不聞色見於面者貌舉身而言思問則疑不蓄思難則忿必懲思義則得不苟○程子曰九思各專其一謝氏曰未至於從容中道無時而不自省察也雖有不存焉者寡矣此之謂思誠

合參孔子曰天下之理無一不統于心君子之學無一不風其心吾見其所思者凡有九焉彼目司視而主之者心也君子視便要看得明不爲物蔽于外耳司聽而主之者心也君子聽便要聞得聰不爲物壅于內色者心之見于面者也色則思溫而暴厲之不形貌者心之形于身者也貌則思恭而惰慢之不設言者心之聲也言則思忠欲其心口如一也事者心之迹也事則思敬期于主一無適也心之有惑者疑也

疑則思問貨之師友以求必解也心之有所怒者忿也忿則思患難恐而懲也心之易爲所動者得也見可得則思義理

不苟取也此九者日用常行之一要也君子致思如此此思誠

所以爲自治之本與

析講這思不是空思想作爲就在其中○

太全朱子曰有爲

氣質所壅蔽有爲私欲所壅蔽有爲纏邪所壅蔽若思明思聰便須去其壅蔽○張氏曰九思當乎此則思乎此天理所由擴而人欲所由遏也然要賞養之未發之前而持之勿發之際不然但欲察之于流而收之于暫則但見其紛擾而無力矣○陳氏曰君子苟未至于不思而得當隨時隨處而各致其思則處已待人應事接物無不各中其則矣○艾子子曰思字有工夫在或未感而起念以靜察或既感而隨所值以動觀皆是○視聽如何要得他聰明如有物必有則即耳聖大教人思聽思明卽非禮勿視聽工夫忿思難如一朝之忿忘其身以及其親此不思難之故也○存疑此君子思誠之功凡聖人平日所言克己復禮主敬行恕居處恭執事敬與人忠之類皆在其中矣

見善章全旨

此章主漢易經世之說看上面是躉身者故易見

四書上卷

卷之二十一

節

孔子曰見善如不及見不善如探湯吾見其人矣吾聞其語矣

探叶

南反

真知善惡而誠好惡之顏魯斂冉之徒益能之矣語蓋古語也
參大全孔子曰見善則如有所追而不及表裏皆好而無一
念之不切惟恐已不得乎善也則不患其不爲之矣見不善
則如探湯表裏皆惡而無二念之不惡惟恐已或陷于惡也
則不患其或爲之矣此惟知至意誠者能之吾見

今有此人矣吾聞古有此語矣見聞相符如此

析講如不及汲汲惟日不足也如探湯所謂不使加身也此
皆自治之事○蒙引善不善事也不必指人與好仁惡不仁
都是事先言見其人後說聞其語是所見君子所聞者有欣
幸之意○存疑註真知二字不是解兩見字乃推原好惡之誠
處兩見字輕○麟土云蓋古語也古對今言○上節吾見二
句重見上言所見而適合所聞蓋深幸之也下節吾聞二句
重未見上言所聞不得于所見蓋深慨之也

隱居以求其志行義以達其道吾聞其語矣未
見其人也

求其志守其所達之道也達其道行其所求之志也蓋惟伊
尹太公之流可以當之當時若顏子亦庶乎此然隱而未見
又不幸而蚤死故夫子云然

參直解荀子方其窮而隱居志在致君澤民把將來所以致
君澤民之理一一講求豫備于已及而出而行義則上而致君
下而澤民以此道達之天下而不肯負其生平之志此用舍
隨時體用合一之學也吾聞古有此語矣

未見今有此人也聞則不相符乃如此

析講求志是高尚志之志非高尚之志也行義只作出仕解故
曰君子之仕也行其義也若說得重則語意便與達道重複
矣道卽所求之志也方求則爲志達之卽爲道未見其人有
不勝慨慕望見之意○學術不周于世用便非求志功名不
根于性天便非達道故曰未見其人○新安陳氏曰前一節
方篤信并修未達于用也後一節則身修而推以齊治平之

事體用全而爲大人矣此夫子所以有見與未見之分與○

顧麟士云春秋之時不惟無伊尹太公便是有伊尹太公亦自無湯武也孔子一生轍壞而老子深酒可見矣

故曰求志達道二者令一未見其人自是寔語

景公章全旨

此章勉人修德之意景公富而無稱處齊貧有撫節援詩以証之齊景夷齊只借作樣子莫果講平

齊景公有馬千駒死之日民無德而稱焉伯夷叔齊餓于首陽之下民到于今稱之

駟四馬也首陽山名

參序齊景公有馬千駒之多富貴極矣及死之日民無德澤指而稱焉雖富貴奚益乎伯夷叔齊恥食周粟餓于首陽山之下而卒以死貧困極矣然而

民到于今稱美之雖貧賤何損乎

析講麟士云于今對之且言○孔子以景公對夷齊言者崔

子弒景公之兄莊公而景公得立崔子猶爲政景公不明也

其斯之謂與

與平

胡氏曰舜子以爲第十二篇錯簡誠不以富亦祇以異當在此章之首今詳文勢似當在此句之上言人之所稱不在于

富而在於異也愚謂此說近是而毫首當有孔子白字蓋闕文耳太抵此書後十篇多闕誤

參序詩云誠不以富亦祇以異其斯景公夷齊之謂歟言人之所稱不在于富而在于異天下古今豈獨景公夷齊也析講稱之稱其高節正以讓大利而不取也與詩詞相合

太公馮氏曰夫人必有異于流俗而後稱之君子所以疾沒無世而名不稱焉人其可以自同于流俗耶○異以德言其厚于子終疑其遠其子見亦陋矣

陳亢章全旨

此章見末太公無私之心陳亢始終不能知之也夫子之教門人與教子各因所至而誦之固非有心私其子亦非有心遠其子亢始疑其厚于子終疑其遠其子見亦陋矣

陳亢問於伯魚曰子亦有異聞乎

亢音剛

亢以私意窺聖人疑必陰厚其子

參序陳亢問于伯魚曰子玉夫子父子之親也則家庭之間必有異教子亦有異于衆人之所共聞而獨聞之夫子者平

對曰未也嘗獨立鯉趨而過庭曰學詩乎對曰未也不學詩無以言鯉退而學詩

事理通達而心氣和平故能言

參大全對曰鯉之聞于夫子者未有異也憶夫子嘗有二日聞居獨立鯉趨而過庭于子于鯉可以有異聞之會也子但問曰子學三百篇之詩乎鯉以寔對曰詩未學也子因曰人貴能言而恒自學詩得之蓋詩本个情學之者事理通達則無昏塞之患其爲教溫柔敦厚學之者心氣和平則無意躁之失故能言不學詩無以言於是鯉退而學詩

析講對曰未也句虛下二節俱發未有異聞之意然只可平

平敘去到聞斯二者方可寔發無異聞二獨立字他日又字

他日又獨立鯉趨而過庭曰學禮乎對曰未也不學禮無以立鯉退而學禮

品節詳明而德性堅定故能立

參大全他日又獨立鯉趨而過庭使有異聞亦可于此時矣又但問曰子學經曲之禮乎鯉對曰未也子因曰人貴于能立而恒自學禮得之恭禮有三百三十其序截然而不可亂學之者品節詳明則義精而莫之惑其爲教恭儉莊敬學之者德性堅定則守固而莫之搖故能立不學禮無以立於是鯉退而學禮

析講蔡氏曰伯魚此言不重詩禮之益全是卽詩禮以舉出無異聞意○兩獨立要見所以有異聞之會正是伯魚形容夫子庭訓無異處

聞斯二者

賞獨立之時所聞不過如此其無異聞可知

合卷由今思之當獨立之時所聞于夫子者不過斯詩禮一者而已此固夫子所雅言以教人者無以異也

陳亢退而喜曰問一得二聞詩聞禮又聞君子之遠其子也

遠去

聲

尹氏曰孔子之教其子無異於門人故陳亢以爲遠其子參序陳亢退而喜曰吾問伯魚以有異聞者耳而所得者有三聞詩論學聞禮論學而又聞君子之不私厚其子而遠之也所得出于所問之外亢何幸哉

析講遠宰對親字看亢始曰異聞似有心以厚之終曰遠子似有心以薄之總是不知聖人立教之公處○大全朱子曰亢以私心窺孔子故有此問及聞其說而又以孔子爲遠其子則以其私心之未忘聖人曷嘗有是心哉但其教人之法不過如此而自世人私厚其子觀之則亦可以有警云爾○按亢語意仍重喜在聞君子之遠其子一邊

邦君章全旨此章是夫子正名之意蓋因當時諸侯有以妾爲妻者故開口便說介邦君之妻四字是通節綱領

君稱之一句又是下二段綱領兩君夫人俱因君所尊而尊之君稱之二句是稱于宮中邦人句是稱于本國末二句是稱于他國則自謙俱不重三夫人重看

邦君之妻君稱之曰夫人夫人自稱曰小童邦人稱之曰君夫人稱諸異邦曰寡小君異邦人稱之亦曰君夫人

寡寡德謙辭吳氏曰凡語中所載如此類者不知何謂或古有之或夫子嘗言之不可考也

令參夫子申諸侯妻稱謂之夫以寓正名之義也曰夫婦人乍之始閨門萬化之原况邦君之妻尤是一國之母儀非常人比者其於稱謂之際可苟焉而已哉故自邦君稱之則曰夫人言其與己敵體也夫人自稱于君前則曰小童謙言幼小無知不敢與君敵體也邦人稱之曰君夫人言其相君以治內同君之尊也此稱謂之寔于本國者也已國邑稱已君之夫人于異邦則曰寡小君言其寡德而相爲小君從君之下

也異邦人稱之亦曰君夫人亦以其能相君而治內同本邦夫人之稱也此稱謂之賓乎異國者也夫以邦君之妻二稱謂之間截然不紊故此名寔之際可不謳哉

析講

馮厚齋

曰是時嫡妻不正稱號不審必夫子嘗言古禮

如此故記之首二句提起作一頭下以稱本國稱異邦兩對如云夫人自稱固謙而國人則因君之尊而尊之稱諸異邦國謙而異邦則因本國之尊而尊之按邢疏已國臣民稱已國之夫人于異邦則曰寡小君對異邦謙也以對異邦稱君曰寡君夫人對君爲小故曰寡

小君觀此則解作夫人自謙者矣矣

論語卷之八

早稻田大学図書館

011888004094